

許氏
幼科七種

痘訣餘義
戊



痘訣餘義



痘訣餘義

序目

餘者事成而未已之稱予年週甲老病日侵慮所存之書落彙成痘訣二卷熱辨一卷治驗若干付之剞劂因思痘訣之成源於翁氏復將翁氏金鏡錄註釋重鐫今又十五年矣是餘生也天旣假我以餘年而保赤未已之心日積月累又成散帙一息尙存不容少懈迢迢寒夜擁絮挑燈錄其可存汰其可棄續成一帙以補前之所未及畢生心血與世共之斯則予之續刻也嘉慶元年建子月呵筆於

安蹇室中

論治 二條

論疫 九條

論閉症 四條

論伏症 五條

論氣血毒三字當分當合 七條

火字解 六條

又論氣血毒 五條

用藥法 二十八條

蓄藥 二十條

搐鼻散

辰砂益元散

白朮散

荳蔻丸

四聖散

拔疔散

香荳餅

牙疳藥



放痘須知 二十條

放痘總論

治案 十三條

麻訣餘義 九條

丙辰夏令麻症大行因時論治 十條



南京中医药大学图书馆版权

痘訣餘義

古歙許豫和宣治氏著

仝姪培根樹人姪孫觀珪執之較
男培鑛鑄人

論治

痘分順險逆前人已言之矣順症無須服藥可置勿論逆症無藥可救醫家須要識得險症善治則生不善治則死予所論者皆屬險症

順逆在天險症在人順者十中三四逆者十中一二險症居其大半故於治法須要隨時講論



論疫

金鏡錄一書爲痘疹之正宗予守其法至老不易間有治之不應者疫氣勝也要知金鏡錄所論是就人身之氣血而言可以爲法疫氣流行放乎理法之外故不得以常格拘也

痘毒之在人身若子之在母腹當其生時始而腹痛而破胞而倒轉而生皆天地自然之運動初無子害母之理痘之出始而發熱而見點而蒸長灌膿與生產何以異子既不害母痘其肯害人乎哉其害人者相引動之歲氣也歲

氣之中復有疫氣行乎其間歲氣亦不害人其害人者疫氣也

疫氣大行則人身之痘毒與天時之疫氣並而爲患
人身之痘毒與疫氣並而爲患卽人身之氣血亦與疫氣
並而爲患此其故何也豈人身之氣血亦害人者哉要知
天下太平盜賊本是良民國家撩亂良民化爲賊盜
或問子既不害母產婦臨盆亦有死者何也予曰此比痘
之閉症不得出者是也產後氣血空虛而脫者是痘兒之
氣血空虛不能載毒致成痒瀉內陷者是也

金鏡錄有言遇歲火太過熱毒流行則痘毒因之而發是言歲氣之相感非言疫氣也疫氣與歲氣不同歲氣氣之正也疫氣氣之賊也

歲氣如子午之歲上見少陰寅申之歲上見少陽之類君相二火司天太過之歲也疫氣是水旱凶荒之氣醞釀而成大頭天行之類牛豕皆瘟迨村比戶受其氣飲其水無不傳染甚致親戚不相問此吳又可先生瘟疫論之所由作也疫痘之行亦猶是也

體壯之兒受疫氣纔見癍亦有愈者蓋解疫之藥與清涼

之藥同用其機順體虛受疫不任清涼使解疫之藥與扶正之藥同用其治難故體虛之兒一經受疫或見癰或見色慘暗即無生意矣

天行時痘無疫氣不必嫌重甲辰秋歙南黃備地方通村出痘九月底張佩西翁一孫驚痘極險延予至旬日收功其時有輕者有重者有服藥者有不服藥者據彼云村黨中已出四百有餘未曾傷折一人痘不爲害之說益加信矣

歙西唐模歙北富場地方同時出痘疫氣大行諸般惡形



惡色傷折大半同一天時同一治法疫之所聚不越一鄉何也是又水土人事之不齊也預籌解疫之方前已備言之矣醫家病家早宜加意

論閉症

或問子前論閉症有辛卯一秋無雨腎氣不通致成閉症之說今歲秋雨綿綿歷冬不斷亦見癰閉何也予曰冬應寒而反溫溫甚復多雨非時之氣釀而成疫大人感之則爲冬溫之病小兒感之則爲癰閉之痘治之之法自有不同燥而亢則宜滋潤化雨煎是也暖而多雨則宜清散升



麻石羔湯加羌活防風以開表自能勝濕腹皮貫衆以解
疫又能利濕臨時變通在乎心領神會耳

閉症多腹痛大便閉結者大黃與元明粉並用元明能軟
堅故也若大便利而腹痛者不必用元明大黃只壳足以
通之泄其滯氣而已

閉症表未開有腹痛及腰痛者表裏雙解宜微下之通則
不痛惟見嘔則不得用下藥

痘初見表氣未開出不快近於閉者兒體實當用羌活散
葛湯時醫只知用羌活而不知用紫草川芎白芷所以不

效用其名而失其實也痘之出氣血齊運菟活氣分之藥
得紫草川芎則氣血雙行陽明多氣多血外主肌肉自花
芳香入陽明而通表古方得力全在此二味

論伏症

伏必兼疫可見無疫不伏

伏症有四種有腎命之伏有心經之伏有肝胆之伏有胃
家之伏腰痛面青暗無大熱毒伏在腎一二日死見點無
多身無大熱人事昏悶咋嘴弄舌煩躁不寧毒伏在心亦
一二日死或用藥提拔而出喉舌無恙方保性命若喉舌
擁腫食藥難進五六日死痘未出熱甚驚搐痘出驚定謂



寧夏中醫藥大學圖書館藏

之先驚後痘吉若痘見數點顏色慘暗驚搐不定面青目
窳人事不省謂之驚閉毒伏肝胆即日死痘毒本甚
赴胃胃氣爲熱所傷不能送毒出外必發青紫藍癰胃爛
而死多在五六日之間此四種常法治之不效爲定新方
救之死中求活用藥速十可挽回一二

腎家伏毒方羌活二錢

猪尾血和酒拌

紫衣胡桃一個

打碎

淡豆豉

三錢貫衆一錢升麻荆芥各六分紫草川芎各八分葱白

二寸新汲水煎服外用黑大豆煮爛葱艾同搗繫腎俞

人牙散能發腎邪非閉伏之藥提出後可諒勢用於灌膿

時

心家伏毒方連翹貫衆各一錢紅花紫草各八分防風荆
芥升麻鮮石菖蒲各六分猪心血三五匙和冰片二三厘
加淡酒數匙冲服外用雄雞拔毒法見前服藥後用搗鼻
散嚏之

肝家伏毒方用羌活散鬱湯加酒洗紅花貫衆外亦以雄
雞拔毒法搗鼻散嚏之

胃家伏毒方用升麻石羔湯加大黃只實貫衆火燒人糞
研末冲服急瀉胃家伏火如取人糞不得以金汁人中黃

二物代之稍遲胃爛則無救矣

古方無價散火煨人糞非廁中之糞是取野地干糞

受過日晒夜露者

論氣血毒三字當合當分

氣陽也血陰也氣稟於陽天垂象也血成於陰地成形也陽生則陰長有所依附也如春陽發生憑虛而遊不有草木何由花實痘之成象亦猶是也

氣血天地也痘毒人也人在天地之中毒在氣血之中也毒可攻火可瀉氣血不可傷也能知氣血毒三字始可與言醫三字不能分何工之有

